

“Doživi filmsku priču”

Pravila nagradne igre

1. ORGANIZATOR

Nagradnu igru “Doživi filmsku priču” organizuje i provodi: **Coca-Cola HBC B-H d.o.o. Sarajevo**, sa sjedištem: Mostarsko raskršće bb, 71240 Hadžići, Bosna i Hercegovina, koju zastupa komercijalni direktor Adnan Topić (u daljem tekstu: Organizator), ID broj: 4200200160006, PDV broj: 200200160006.

2. TRAJANJE NAGRADNE IGRE

Nagradna igra započinje 26.06.2017. godine i traje do 06.08.2017. godine.

3. PODRUČJE ORGANIZACIJE I PROVOĐENJA NAGRADNE IGRE

Nagradna igra organizuje se i provodi na cjelokupnom području Bosne i Hercegovine.

4. PRAVO NA UČEŠĆE

U nagradnoj igri pravo učešća imaju svi stanovnici Bosne i Hercegovine, koji su korisnici usluga telefonskih operatera registrovanih u BiH i to: Telekom Srpske a.d. Banja Luka, BH Telecom d.d. Sarajevo, HT d.d. Mostar.

Pravo na učešće nemaju osobe zaposlene kod Organizatora, osobe zaposlene kod Barlan B-H d.o.o., kao i osobe zaposlene kod društva - Fonlider Plus d.o.o. Sarajevo, kao poslovnog partnera Organizatora, koji informatički podržava organizaciju ove nagradne igre, kod drugih nezavisnih partnera, u reklamnim agencijama uključenim u ovu promociju, kao i najbliži članovi porodice bilo koje od navedenih osoba.

5. SVRHA ORGANIZOVANJA NAGRADNE IGRE

Svrha organiziranja nagradne igre je promocija proizvoda **Coca-Cola** i **Coca-Cola ZERO** u plastičnom pakovanju od **0,50 L (0,50 L PET)** i povratnom staklenom pakovanju od **0,25 L (0,25 L RGB)**.

6. NAČIN UČESTVOVANJA

- a) Kupovinom Coca-Cola i Coca-Cola ZERO proizvoda u pakovanjima od 0,50 L (PET) i 0,25 L (RGB) stiže se pravo na učešće u nagradnoj igri.
- b) Prilikom kupovine promotivnih pakiranja učesnik je dužan pogledati ispod zatvarača u plastičnim pakovanjima, te na poleđini etikete u staklenim pakovanjima, gdje se nalazi osmocifreni kôd.
- c) Učesnik registruje svoj kôd putem SMS-a na broj telefona: 091 211 700 (nije potrebno slati ime i prezime).
- d) Pored navedene SMS mehanike, učesnik također ima mogućnost da besplatno registruje svoj kôd putem korporativne internet stranice: www.coca-cola.ba Prilikom predmetne registracije kôda, učesnik je dužan unijeti sljedeće podatke:
 - osmocifreni kôd
 - captcha - kontrolni verifikacioni kôd
- e) Slanjem kôda učesnik učestvuje u izvlačenju za nagrade, koje se izvlače svakih 60 minuta, tokom trajanja nagradne igre, kao i za dnevne nagrade, koje se izvlače svakog dana u 12 h tokom trajanja nagradne igre za prethodni dan i sedmičnu nagradu, koja se izvlači svakog ponedjeljka u 12 h za proteklu sedmicu.
- f) Svi učesnici nakon slanja kôda će primiti povratnu poruku kojom su obaviješteni da je njihova registracija zaprimljena i da uredno učestvuju u nagradnoj igri sljedećeg sadržaja: *„Kod je uspješno registriran - na korak ste do savršene filmske priče. Vaša Coca-Cola.“*
- g) Ukoliko je učesnik unio pogrešan ili iskorišten kôd, primiće povratne SMS poruke sljedećeg sadržaja:
 - „Sorry, to nije iz našeg filma, kod je neispravan. Pozovi besplatnu info liniju 080-020-100 ili posjeti coca-cola.ba za više detalja.“
 - „Tvoju filmsku priču krije drugi kod, ovaj je već iskorišten. Za više informacija pozovi

- besplatnu info liniju na 080-020-100 ili posjeti coca-cola.ba.”*
- h) U slučaju dobitnog kôda, odnosno ukoliko je učesnik izvučen za jednu od nagrada, ovisno o vrsti nagrade koju je osvojio dobitnik će primiti poruku/e sljedećeg sadržaja:
„Čestitamo, ti si zvijezda Coca-Cola filmske priče, Gala nagrada za dvije osobe je tvoja! Molimo te da za detalje pozoveš besplatnu info liniju na 080-020-100.”
„Čestitamo, imaš posebnu ulogu u Coca-Cola filmskoj priči, Filmska nagrada za dvoje je tvoja. Za detalje pozovi besplatnu info liniju na 080-020-100.“
„Čestitamo, sprema ti se poseban Coca-Cola filmski užitak, Kino paket za dvije osobe je tvoj. Za više detalja pozovi besplatnu info liniju na 080-020-100.“
- i) Obzirom na različite vrste nagrada, koje se izvlače u različitim vremenskim intervalima tokom trajanja nagradne igre, svaki kôd koji nije izvučen za prvu nagradu (svaki sat), automatski ulazi u izvlačenje za sljedeću nagradu (dnevnu ili sedmičnu). Dobitni kôd ne može biti izvučen za dvije nagrade, s tim da dobitnik može učestvovati u izvlačenju druge vrste nagrade, bez obzira na vremenski okvir, ali isključivo sa drugim kôdom.
- j) Svaki učesnik može registrovati maksimalno 5 kôdova u toku jednog dana, pod uslovom da su svi registrovani kôdovi nabavljeni kroz legitimne kanale prodaje. Ukoliko učesnik pošalje više identičnih kôdova uvažiće se samo prvi zaprimljeni.
- k) Maksimalan broj nagrada za jednog učesnika je jedna nagrada za svaku vrstu nagrade, odnosno maksimalno 3 (tri) nagrade.
- l) Kôdovi se ne mogu slati sa fiksnih telefona.

Svakih 60 minuta u vremenskom periodu tokom trajanja nagradne igre moguće je osvojiti **Filmski paket** (Coca-Cola, kokice + film), koji uključuje kino ulaznice za dvije osobe u kino dvoranama sljedećih gradova: Banja Luka, Tuzla, Bihać, Mostar, Sarajevo i Zenica. Nagrada se može iskoristiti najkasnije do 30.11.2017. godine. Ukoliko poslani kôd ne bude izvučen kao dobitni u 60-minutnoj nagradi, isti automatski učestvuje u izvlačenju za dnevnu nagradu: **Ekskluzivni paket - Filmsko putovanje**, koji uključuje vaučer za gorivo u iznosu od 50,00 KM, noćenje sa doručkom u hotelu Holiday u Sarajevu i kino ulaznice za dvije osobe u ljetnom kinu Metalac u sklopu Sarajevo Film Festivala (u daljem tekstu: SFF) za projekciju filma na dan 18.08.2017. godine. Dnevne nagrade će se izvlačiti svakog narednog dana u 12 h za prethodni dan. Ukoliko poslani kôd ne bude izvučen niti kao dobitni u 60-minutnoj nagradi, niti u dnevnoj nagradi, isti automatski učestvuje u izvlačenju za glavnu nagradu: **VIP paket (Večer za zvijezde)**, koji uključuje sljedeće: organizovan prevoz u oba pravca (dolazak dobitnika na SFF i povratak u njegovo mjesto prebivališta), noćenje sa doručkom u hotelu Evropa u Sarajevu, vozač i vozilo koji će dobitniku biti na raspolaganju tokom cijelog dana i večeri, vaučer u tržnom centru Sarajevo City Centar u ukupnom iznosu od 1.200,00 KM (odnosi se na dvije osobe od po 600,00 KM) i kino ulaznice za dvije osobe u Narodnom pozorištu u sklopu SFF na dan 11.08.2017. godine. Glavna nagrada će se izvlačiti sedmično, svakog ponedjeljka u 12 h za proteklu sedmicu, tokom trajanja nagradne igre.

Cijena SMS-a od 0,20 KM + PDV je usklađena sa odredbama Člana 3. Pravilnika o upotrebi brojeva za slanje kratkih poruka dodane vrijednosti («Službeni glasnik BiH» br. 43/07), koji je objavila Regulatorna agencija za komunikacije BiH, a na osnovu Zakona o komunikacijama BiH ("Službeni glasnik BiH", broj 31/03).

Svi zaprimljeni kôdovi nalaziće se pod kontrolom Organizatora i biće odbijeni ako nisu nabavljeni kroz legitimne, dozvoljene kanale. Svi kôdovi koji su reprodukovani, duplirani, izmišljeni ili promijenjeni na bilo koji način tako da ne mogu biti potvrđeni kao legitimni, biće sistemski odbijeni kao nevažeći. U slučaju štamparskih grešaka ili neregularnosti promotivnog zatvarača ili etikete, Organizator i njegovi poslovni partneri kao i njihova odjeljenja, pridružena društva, podružnice, zastupnici i agencije neće snositi nikakvu odgovornost.

7. IZVLAČENJE NAGRADA

Od 26.06.2017. do 06.08.2016. godine održavat će se izvlačenja nagrada te ovisno o vrsti nagrade u različitim intervalima, i to:

- nagrada **Filmski paket**: svakog sata, odnosno 10 minuta nakon završenog svakog sata tokom trajanja nagradne igre za prethodni sat.

- nagrada **Ekskluzivni paket - Filmsko putovanje**: svakog dana u 12.00 h za prethodni dan bće izvučeno 5 nagrada, prvo izvlačenje 27.06., a posljednje 07.08.2017. godine.
- nagrada **VIP paket (Večer za zvijezde)**: svakog ponedjeljka u 12.00 h za prethodnu sedmicu, ukupno 6 izvlačenja u sljedećim datumima: 03.07., 10.07., 17.07., 24.07., 31.07. i 7.08.2017 godine.

Dobitnici će biti izvučeni automatski, slučajnim kompjuterskim odabirom. Izvlačenje će nadgledati tročlani komitet koga odabere Organizator. Odluka komiteta je konačna i obavezujuća i neće biti dozvoljena dalja korespondencija. Pri svakom izvlačenju biće izvučen jedan dobitnik i dva alternativna dobitnika za svaku nagradu.

Ukoliko se, prilikom kontaktiranja dobitnika nagrade, uspostavi da je izvučeni dobitnik već osvojio 3 različite vrste nagrada, kontaktiraće se alternativni dobitnik.

U slučaju da u nekoj vremenskoj cjelini od 60 minuta, u bilo kojem danu promocije, ne bude poslat niti jedan kôd, nagrada za tih 60 minuta se prebacuje na sljedeće izvlačenje, tako da će u sljedećoj vremenskoj cjelini od 60 minuta biti izvučene dvije nagrade itd. U slučaju da u toku jednog dana, tokom trajanja nagradne igre, ne bude poslat niti jedan kôd, dnevna nagrada se prebacuje na naredno izvlačenje dnevne nagrade, tako da će u sljedećem danu biti izvučene deset dnevnih nagrade itd.

Sve nagrade obezbijeđene za potrebe promocije će biti izvučene i dodijeljene legitimnim dobitnicima.

8. NAGRADA I PRIBLIŽNE MALOPRODAJNE VRIJEDNOST

Opis nagrade	Količina	Približna tržišna vrijednost
Filmski paket	1.009 kom.	1.009 x 16,00 KM = 16.144,00 KM
Ekskluzivni paket	210 kom.	210 x 181,00 KM = 38.010,00 KM
VIP paket	6 kom.	6 x 1.950,00 KM = 11.700,00 KM

Ukupna novčana vrijednost nagradnog fonda iznosi **65.854,00 KM** (PDV uključen u navedeni iznos).

Broj nagrada je ograničen i ni u kojem slučaju neće biti dodijeljeno više nagrada nego što je predviđeno ovim Pravilima.

9. OBAVJEŠTAVANJE DOBITNIKA I URUČENJE NAGRADA

- Svi dobitnici nagrada bit će obaviješteni direktno putem SMS-a ili telefona. Ukoliko ne bude moguće kontaktirati dobitnika nagrade u roku od 7 dana na osnovu broja mobitela s kojeg je dobitni kôd poslan, dobitnik gubi nagradu, a obavještavaju se alternativni dobitnici u narednih 7 dana. Pravo na nagradu može biti prebačeno na treće lice putem punomoći dobitnika pred nadležnim sudom.
- Dobitnik nagrade je dužan dati sve potrebne informacije, kontakt osobi Organizatora nagradne igre.
- Uzimajući u obzir različite vrste nagrada, različit je i način uručenja odnosno realizacije istih, i to:
 - Dobitnici nagrade Filmski paket moći će preuzeti istu u kinu jednog od 6 gore navedenih gradova u BiH, uz mogućnost iskorištenja najkasnije do 30.11.2017. godine;
 - Dobitnici nagrade Ekskluzivni paket - Filmsko putovanje preuzet će istu na recepciji hotela Holiday u Sarajevu i nagrada se isključivo odnosi na film koji će biti prikazan u sklopu SFF na dan 18.08.2017. godine u ljetnom kinu Metalac;

- Za dobitnike glavne nagrade VIP paket (Večer za zvijezde) bit će organizovan prevoz do Sarajeva u oba pravca, te će nagradu preuzeti na recepciji hotela Evropa i ista se isključivo odnosi na projekciju filma u sklopu SFF koja će se održati 11.08.2017. godine u Narodnom pozorištu.
- d) Učesnici mogu biti pozvani da učestvuju u javnim događajima. Dobitnici u nagradnoj igri prihvataju uslov da njihova imena, adrese i fotografije, mogu biti korišteni i objavljeni kao foto, audio i videomaterijal od strane Organizatora i njegovih pridruženih agencija i partnera koji direktno učestvuju u nagradnoj igri. Učestvovanjem u nagradnoj igri učesnici daju dozvolu Organizatoru da koristi njihova imena i/ili ličnost radi reklame ili prodaje bez kompenzacije.
- e) Ova pravila će biti objavljena u najmanje jednim dnevnim novinama na području Federacije BiH po dobijanju saglasnosti Federalnog Ministarstva finansija, te u najmanje jednim dnevnim novinama na sjedištem na području Republike Srpske, a po dobijanju saglasnosti Republičke Uprave za igre na sreću Republike Srpske – RUIS RS.
- f) Svi dobitnici nagrada će biti objavljeni na web portalu www.coca-cola.ba, a dobitnici sedmičnih nagrada će po završetku promocije biti objavljeni u najmanje jednim dnevnim novinama na području Federacije Bosne i Hercegovine, te u najmanje jednim dnevnim novinama sa sjedištem na području Republike Srpske.

Nadležni sudovi u slučaju spora su: Općinski sud u Sarajevu i sud u Banjoj Luci.

10. POREZ, ZAMJENA, PRIJENOS I ODGOVORNOST U VEZI SA NAGRADOM

Organizator je odgovoran za sve poreze, naknade ili dažbine u vezi s nagradom, osim poreza na dohodak dobitnika nagradnih igara u skladu sa važećim zakonskim propisima. Nije dozvoljena nikakva zamjena nagrade njenom vrijednošću u novcu. Nagrade se ne mogu prenijeti niti ustupiti drugima prije nego što se izvrši njihovo uručenje dobitniku.

11. OTKAZIVANJE

Organizator ima pravo da jednostrano otkáže nagradnu igru u bilo kojoj fazi, uz obavještenje ukoliko bi došlo do materijalne povrede ili zloupotrebe Pravila ili događaja koji imaju karakter više sile. Ukoliko bi nastala neka od navedenih okolnosti, distribucija nagrada biće odmah obustavljeni jednostranom odlukom Organizatora, nezavisno o potrebi za njenim eventualnim objavljivanjem. U tom slučaju neće se nadoknaditi troškovi, direktna ili indirektna šteta učesnicima u nagradnoj igri, niti će se nagradna igra održati. U slučaju otkazivanja nagradne igre, iz bilo kojeg od gore navedenih razloga, Organizator je dužan da pravovremeno o tome obavijesti Federalno Ministarstvo finansija kao i Republičku upravu za igre na sreću Republike Srpske.

12. ZVANIČNA PRAVILA NAGRADNE IGRE

Samim učešćem u ovoj nagradnoj igri učesnici prihvataju da ih ova Zvanična pravila obavezuju.

Dodatne informacije iz ovih Zvaničnih pravila mogu se dobiti pozivom na besplatnu Coca-Cola info liniju: 080 020 100, svakim danom od 9 do 16.30 sati, u periodu od 26.06.2017. do 06.08.2017. godine.

Odluke Organizatora donesene prema Pravilima o provođenju nagradne igre konačne su i obavezujuće za sve učesnike.

“Coca-Cola” je registrovani zaštitni znak kompanije “The Coca-Cola Company”.

U Sarajevu, 26.05.2017. godine

Broj: 0101- 1629 / 17

ORGANIZATOR:
Coca-Cola HBC B-H d.o.o. Sarajevo
Adnan Topić, komercijalni direktor